



Broj: 03-19-3080/21  
Sarajevo, \_\_\_\_\_ godine

Na osnovu člana 33, člana 34. i člana 70. stav (1), (2), (3) i (6) Zakona o javnim nabavkama („Službeni glasnik BiH“ broj 39/14), člana 39. Statuta Općine Centar Sarajevo-prečišćeni tekst („Službene novine Kantona Sarajevo“ broj 23/04), na prijedlog Konkursne komisije/Ocjenjivačkog žirija za provođenje konkursa za izradu idejnog skulptorsko umjetničkog rješenja i postavljanje trajne skulpture Mirze Delibašić - (Završni izvještaj Konkursne komisije/Ocjenjivačkog žirija imenovane rješenjem broj: 03-19-3080/21 od 09.06.2021. godine, Općinski načelnik donosi

**ODLUKU**  
**o proglašenju odabranog autora**  
**Konkursa za izradu idejnog skulptorsko-umjetničkog rješenja Mirza Delibašić**  
**na platou KSC Skenderija**

**Član 1.**

Usvaja se Završni izvještaj Konkursne komisije/Ocjenjivačkog žirija u postupku Konkursa za izradu idejnog skulptorsko-umjetničkog rješenja Mirza Delibašić.

**Član 2.**

Proglašava se pobjednik Konkursa za prvonagrađeno rješenje nakon drugog kruga evaluacije, kojem se dodjeljuje Ugovor:

- Adis Lukač, autor prvonagrađenog rješenja.

**Član 3.**

Sa autorom odabranog idejnog rješenja zaključit će se Ugovor o izradi i postavljanju skulpture sa otkupom autorskih prava, te će se isplatiti naknada na temelju Ugovora i uvjeta iz konkursne dokumentacije, nakon pravosnažnosti ove Odluke.

**Član 4.**

Ova Odluka će biti objavljena na web stranici Općine Centar Sarajevo [www.centar.ba](http://www.centar.ba), istovremeno sa upućivanjem iste svim učesnicima Konkursa, shodno članu 70. stav (6) Zakona o javnim nabavkama.

**Član 5.**

Prijedlog Ugovora dostavit će se na potpis izabranom autoru po proteku roka od 15 dana od dana kada su svi autori obaviješteni o donošenju Odluke.

**Obrazloženje**

Općina Centar Sarajevo je raspisala Konkurs za izradu Idejnog rješenja trajne skulpture na otvorenom-spomenik Mirza Delibašić i postavljanje skulpture Mirze Delibašića. Konkurs je objavljen na Portalu javnih nabavki dana 17.06.2021. godine (Obavještenja o nabavci broj: 848-6-2-104-3-54/21 i na web stranici Općine Centar Sarajevo. Konkurs je objavljen i na engleskom i bhs jezicima, te promovisan putem online objava na grupama i portalima, čiji su članovi i publika umjetnici, dizajneri i arhitekti, kao i putem umjetničkih organizacija kao što je World Citizen Artists, SyArt Foundation i drugih.

Konkurs za izradu Idejnog rješenja je proveden radi odabira najboljeg idejnog skulptorsko-umjetničkog rješenja trajnog spomenika Mirza Delibašić, s ciljem zaključivanja Ugovora za uslugu izrade i postavljanja spomenika s autorom odabranog rješenja.

Procijenjena vrijednost Ugovora iznosila je 44.000,00 KM bez PDV-a.

Konkursna komisija/Ocjenjivački žiri je u Završnom izvještaju konstatirala da je do finalnog roka konkursa primljeno 12 radova od strane 13 umjetnika iz 6 zemalja sa 4 kontinenta, te da je od 12 prijava, 11 prijava imalo potpunu dokumentaciju neophodnu za razmatranje prijedloga od strane Komisije, koja je definirana u tenderskoj dokumentaciji i opisu Konkursa.

Nakon prvog kruga evaluacije Konkursna komisija/Ocjenjivački žiri, najveći broj bodova posebno u kriterijima su dobili umjetnici: Adis Elias Fejzić, Adis Lukač i Ivan Jakšić.

Svih 11 prijavljenih je obaviješteno putem mail-a da je na listu užeg kruga Konkursna komisija/Ocjenjivački žiri odabrao gore navedna lica, kako je navedeno u Završnom izvještaju Komisije.

Nakon drugog kruga evaluacije, Konkursna komisija/Ocjenjivački žiri je odabrala idejno rješenje umjetnika Adisa Lukača kao rješenje koje u potpunosti ispunjava estetske i inovativne standarde umjetnosti u javnom prostoru, da je jedinstveno i dostojno liku i djelu Mirze Delibašića, te da je racionalno i ekonomično rješenje i da je njegova procjena izrade u skladu sa definiranim budžetom.

Na temelju provedene Konkursne procedure, a u skladu sa Završnim izvještajem Konkursne komisije, Općinski načelnik je donio odluku kao u dispozitivu.

**Pouka o pravnom lijeku:** Protiv ove Odluke se može izjaviti žalba Ugovornom organu, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama.



**OPŠTINSKI NAČELNIK**

**Srdan Mandić**

**Prilog:**

1. Završni izvještaj Konkursne komisije/Ocjenjivačkog žirija

**Dostaviti:**

1. Adis Lukač, izabrani autor
2. Adis Elias Fejzić, učesnik
3. Ivan Jakšić, učesnik
4. Konkursna komisija/Ocjenjivački žiri
5. Službi za javne nabavke, zajedničke poslove i informatiku
6. Službi za investicije, komunalni razvoj i planiranje
7. Službi za finansije
8. Arhiva